



謹齋詩稿

淮海 許志進

甲午年

新堂讌客同作

少長屠麻飲後先堂開資敬集羣賢百年禮樂娛賓地  
三日風雲養雪天同詠斯干緣考室長懷伊蔚感流年  
諸君善頌如張老璧合珠聯定幾編

謁韓侯祠

風雲名世業淮海一王孫自負登壇略焉知惡少尊勲  
猷青史筆弓狗昔人論一飯千金報依依明主恩

即夕

輕寒薄暮試燈風  
庭院森森蠟炬紅  
寶樹枝柯珠錯落  
瑤臺簾箔玉玲瓏  
煥凝酥手淋漓酒  
嬌嘖鶯吭姪姘童  
明月三更人正醉  
去年此夜樂相同

新堂讌集訓諸子三首

敢因築室詠松筠  
正好留賓酒味醇  
風爲作燈融積雪  
雲緣避月斂晴春  
笑看鬚鬢人俱老  
醉誦詩篇句入神  
嘯詠蝸廬吾意足  
可應捉鼻說新綸

已看翠色轉庭筠  
坐喜陽和啟化醇  
獻歲盤筵千日酒

時開五年藏醞

試燈風月萬家春  
且師儉樸安儒素  
也鑒高明瞰

鬼神大造鈞陶寧  
有意莫將人事論  
紛綸

新詩脫手似王筠  
醉我渾如北海醇  
十日暖風宜卜夜  
三分明月好嬉春  
酒人笑語難拘禮  
古器摩抄亦養神  
三萬六千將過半  
醉中何處說經綸

燈夕示

愛月令人夜不眠  
燈紅酒煖共陶然  
圍燈索句人如玉  
把酒聽歌月滿天  
欲擬何鄉堪送老  
但逢佳興似登仙  
金罍更酌煩纖手  
燈月宜看十五前

上元夜

昨夜陰雲昨日風  
依然月白與燈紅  
清光照我年年好

綠酒嬉春處處同  
淺醉劈箋閨閣裏  
與酣得句笑談中  
三更燭跋猊烟燼  
自哂狂多老未慵

十七夜東友

十七夜如十五日  
落燈寒似試燈風  
閉門寂坐空齋裏  
把酒懷人薄醉中  
春興幾分虛小疾  
心情一半類衰翁  
閒庭獨立天如水  
把臂狂吟恨不同

王別駕招飲觀劇即席有作

纖腰無力困陽阿  
懊惱吳兒一曲歌  
豔色照人燈可愛  
春杯送暖酒增多  
禮無苛禁威儀簡  
客到忘形笑語和  
誰說冷官囊似水  
猶能卜夜飲亡何

乞酒行東史學博

誰言廣文官最貧  
官齋美酒日留賓  
獨傳釀法有賢婦  
春醪一盞能醺人  
廣文要是天酒星  
招攜畢卓邀劉伶  
後堂道蘊開酒經  
品題賢聖分濁清  
闌干首蒼暎朝日  
長廊小徑傾瓶甌  
五斗解醒醉一石  
醉謂婦言良可聽  
便便井腹作酒甕  
五經三雅分縱橫  
問字何人載酒來  
手披絳帳呼先生  
一官冰冷足良醞  
十年不調封酒城  
君家癡叔酒中龍  
與我廿載稱忘形  
張髯陳髯兩奇士  
南蘭陵飲中健者  
刺史分餉一甕誇  
如澗我飲不勝

謂襄遠孝  
舒求夏

三蕉葉酒池自愛橫長鯨子路千鍾堯百榼古來飲者  
多芳名東坡斗酒與婦謀卓女滌器從長卿乞漿恐告  
瓶壘恥指困擬取甌甄盈舖糟歎醅衆皆醉問我胡爲  
甘獨醒

喜雨東友

雙鳩鳴屋角記聽立春初好雨來何晚新年一月餘潤  
纔鬆土脉膏欲浥園蔬花樹溟濛濕知應錦不如

盆梅

東風纔幾日斗室綻春姿石瘦寒凝雪盆低曲亞枝數  
苞初放處小樹半開時坐索空齋笑幽香一詠詩

和人

歸雁早春天移燈照醉眠行疑雲是夢抱訝玉如烟別  
恨縈千里幽歡說五年輕舟挂帆去惆悵落花前

再和

姑射仙姿酒半醺爐紅香煖共氤氳碧窗明借三分月  
幽夢寒凝一片雲舊恨折除成約踐新歡考校妒心紛  
誰教一刻千金夜絮語空驚曉色昕

友人以家醞見餉兼致糟鱖一器梅花兩枝報謝  
獨醒憔悴惜靈均醑酌真應傲伯倫一甕分將陽羨酒  
千杯賞遍楚天春枝傳梅信香魂瘦鮓壓糟油醉骨新

容易併從蘇婦得冷官雖冷未全貧

梅信

張園試探梅花信過雨猶須十日開  
好辦多攜春社酒相招同過伯倫臺  
繁思銅井千林雪老憶臨安幾樹苔  
杭州有苔梅此去東城三十里花間盡醉亦悠哉

和人

玉頰真宜玉盞醺佳人春醉徹宵分  
乍呼郎語燈初爇不卸頭眠被忘熏  
繡帳濃花迷舞蝶銀屏幽夢誑行雲  
檀奴此際饒輕薄管領柔鄉策酒勳

銅鼓十二韻

孝廉得自某氏物

革音金作質遺范自征蠻虎氣銷兵壘  
苔花蝕土斑文淵銅馬式諸葛定軍山  
鑄出雷回細埋多翡翠黥圓腔虛九孔  
側耳失雙環作氣思飛將先鳴警庶頑  
夔牛響未震鐘鼎績長閔布鼓雷門下  
黃鐘瓦缶間銅魚敲不得畫羯杖空嫺  
古調漁陽摻天闍虎豹關錢愚渾不識  
銅臭或持還此日看神物摩抄笑老慳

池館

殘梅落盡海棠開池館春深我復來  
三月鶯花懷酒伴十年歌舞剩荒臺  
美名厚實難兼取岐路亡羊且漫猜  
徙倚虛亭重搔首人間榮悴總堪哀

戲書四絕句

國士虛蒙薦將軍授鉞新豈知信陵客不是報恩人  
鯨鯢殪海嶠將帥滿中原名姓不相識爭看刀箭痕  
推轂軍威重防邊將略無可憐今衛霍赫赫故人奴  
老兵擁麾節攫肉海天隅則哲

知人莫學藍與朱

張園梅花

柳浦園梅百本新花開擬作探春人健兒馬射妖姬笑  
樂事全輸此輩真

馬場桃花

三月春郊十里霞天桃開遍野人家武陵雞大天台路

寂寂東風空落花

楊中舍宅海棠

二十四番風信開一百五日雨初來海棠落盡無人賞  
悵望春江畫舫回

大椿博士宅

此日人琴悲子敬更無杯酒喫欒巴大椿樓閣吟詩地  
惟有紫藤一樹花

戲書二首

二月三月號顛風麥苗稿矣傷蘊隆  
官請雨似憂農  
叩天十日天夢夢那無陰雲斬膏澤一滴何曾到蔀屋

君不見雷霆作威風拔木夜來摧折軍門燾

君不見前年強黃奪淮流清口激水多沈舟又不見今年黃淮兩俱弱千艘銜尾沙頭閣河堤使者慎防川水由人力非由天

艘尺寸不得前黃浦決溜淹田

耳鳴戲作

世事佯聾類許丞欲年五十耳塵生兜玄豈有牛車出寶網疑聞法樂清夜如何其憐蟻鬪歲云秋矣任蛩鳴壯心未歇人先老輦鐸空令壯士驚

酴醿花

名花雪豔玉精神壓架濃香醉晚春可待釀成千日酒

徘徊芳徑已醺人

芍藥花

坐愛翻階秀色深奇葩豔說帶纏金開遲留殿花王後惟有東君知此心

湖村

催人煩布穀生計問湖田春水漁榔路蒲帆鷗鳥天荇溪搖翠浪柳老吐殘綿沮溺悠悠者行歌過我前

飼蠶詞六首爲

作

春閨也復事蠶忙拂曉傾筐分去聲女桑簇簇蛭蠕纒食

葉焚香先拜馬頭娘

蠶之初生晝夜五食桑柘之葉寸二十分



竟日柔桑飼一簞深宵斗帳護餘寒綠窗女伴多私忌  
不是梳頭不肯看

幾夜留燈照獨眠蠶房齋禁太常偏軒渠借問秦淮海  
箇出蠶書第幾篇

九日眠餘困未醒莫教擲葉怕蠶驚

蠶初眠以九日再眠三眠以七日大眠則五七日不等

初眠則一日不食再三眠如之大眠則二日不食一再眠後則晝夜六食大眠後則八食將成繭則十食凡眠已初食布葉勿擲則蠶驚凡蠶為繭七日乃成  
扶床笑語嬉嬌女繭虎簪頭待繭成

七襄雲錦自天孫蘇蕙璇璣且漫論準備繅車看浴繭  
玄黃黼黻出三盆

曾染山龍上赭袍經綸事業問蠶繅仲山衮職吾何補

此事由來讓汝曹

和詩附錄

博得春閨兩月忙  
幽風七月第三章擬將一匹天孫  
錦製作  
黃公子裳

重帷篝火護蠶寒晝永慵多午夢酣睡起裁詩先匿  
笑綠窗人自嬾於蠶

六食三眠困欲舒披沙布葉按蠶書何當瑞草分園  
客冰繭成來甕盎如

園客妻以五色瑞草飼蠶繭成如甕

先蠶鄭重說西陵製就羅紈入市輕周禮夏書閒檢

閱從君

作女書生

黃帝元妃西陵氏始養蠶禹貢周禮皆及蠶事

累累犢角報蠶成預設添梯約鎖星更爲右軍儲繭

紙茂林修竹寫蘭亭

添梯鎖星  
皆絡絲具

愛看蠶蛾作對飛抽思敢擬織璇璣好施山甫經綸  
手重補虞廷藻繡衣

### 過紫霄宮

重到琳宮三十年依然樓閣俯諸天濕雲曉散千村雨  
老樹寒凝四月烟鶴護松巢聞笛下龍藏丹井抱珠眠  
道人強與人間事漫爲揚塵說海田

時方  
禱雨

### 旱

水火猶疑倣 聖朝空饒旱魃氣騰休五行漫欲論洪

範六事真教踐白茅人道魚行占太史麥田龜坼見農

郊

欽天監奏立夏日風從坎  
方來生大雨水魚行人道

野夫最廛憂天意誰作商霖一解

嘲

誰莊看芍藥贈退翁八首兼柬爽林

三年重踐看花約照眼妖韶萬朶新正是清和好風日  
殿春花萼解留春

萬枝濃豔簇中庭芳氣醺人醉復醒載酒伯倫臺下過  
看花惟有退翁亭

嫩晴微雨養花天刻玉搓酥態倍妍疑自徐熙偷畫筆  
枝枝沒骨暉南田

東風薄暮困難勝繞檻香兼露氣凝客醉怕教花睡去  
夜明簾映百枝燈

小部家伶法樂清天風吹徹管絃聲千花散作纏頭錦  
一曲涼州初教成

落成留客住新堂花氣氤氳暗曲房明月照人香國醉  
夢中蝴蝶認蒙莊

退翁娛老足名花釀酒留賓樂事賒擬買古梅還結屋

共君來往作鄰家

時張氏梅園求售退翁訂我買田築屋為鄰比

南莊小謝多才思水墨春風寫折枝好續清平賡古調  
翻階重為賦新詩

角觥兒引

山陰朱公子家僮

搥鉦過鼓聲鑿醴銅盤燭月燈焜芒滿堂醉客色飛動  
一童躍出神揚揚紅裊錦禰綃抹首亥步縱橫矜善走  
翻空筋斗三百六巧力相生氣抖擻百丈焦僥火燄旗  
迴身曳掣如游絲風旋電閃一翻手乾維坤軸紛潛移  
常山率然方掉尾一童寶劍橫秋水繞身白練飛寒光  
劍俠凌空睽相擬三步之外人莫當延溪風雨雙龍翔  
魚腸戲舞三千士渾脫新傳十二孃雙童捷疾爭奇詭  
兩兩登場呈角觥玉膚花貌拳繭栗十二三傳少林髓  
熊經鳥伸斜作勢鶻落猿蹲健無比戟手逞雄纔奮擊

側肩引敵仍偏倚倒海排山看撲跌弩張輪轉同飄瞥  
掣視牽臂挾以走捽頭拉脅輕相據累危似學龜疊塔  
猙黠還如鼠鬪穴俯身却出惡少騰蹈虛不踐蟻封垤  
八面渾塵楚漢鋒芴觀莫決誰雌雄空中忽撒懸厓手  
倏乘雲氣驂虬龍五十三叅舞善才翻腰屈首試銜杯  
緣橦穩放竿頭步巨躍層臺百遍來頭行肉飛筋骨緊  
遶場急作獅球滾五色斑斕眩目睛一團繒綵疇能攬  
世間萬事盡兒嬉盤鈴傀儡作笑啼造化小兒無定據  
倒橫直豎從所爲可憐蝸角爭蠻觸眼中幾輩能反覆  
沐猴鬪狗漫生嗔都盧兒曹藝絕倫諸賓莫放金樽煖

况有清歌和絃管倚醉裁詩贈主人就中妙處難排纂  
看芍藥回東頭亭舍人因索拍頭畫二首

與君夢寐說豐臺坐想平畦萬朶開可惜誰莊花似錦  
看花惟我一人來

賞花詩爲乞花裁馬上親煩折贈來君是人間散花手  
千枝好向拍頭開

### 與心淵話舊

江海重逢莫問年 帝鄉翹首白雲邊  
焚餘諫草休重寫別後詩篇總浪傳  
江海吾儕驚速老功名造物忌完  
全含沙射影皆虛發得喪均看兩嗒然

馮上舍少渠過訪飲中話舊因懷梅莊大叅蘅圃  
侍御二首

白洋池上匆匆別淮海重逢三載餘  
畫舸烟波思水部  
竹軒花雨問田居文章老筆歸宗匠  
富貴浮雲過太虛  
壯氣未衰鬢鬢改年來我亦兩翁如

難忘勝侶追尋處繞郭湖山對笑譁  
此日蒲樽來舊雨  
他年桂楫擁名花詩情我恨歸來少  
老健君從病後誇  
憔悴楚均嫌獨醒鋪糟同與挹流霞

感懷二首

慈孝相依四十年難將心跡問皇天  
龍舟水殿空  
雨

應為生朝黯然

記得宵掩淚時去年今日最相思  
侍誰學安  
腹終嫌感悟遲

王元章墨梅

梅為陶九成作自題一  
絕繼和者十有二人

玉簫吹徹太湖風光福銅坑萬樹同  
載酒空山吟積雪

一杯遙酌鑑湖翁

元詩好載揚州秋露  
白玉簫吹過太湖來

數枝冰玉暗香橫每對東風怨落英  
最是玉窗寒月夜  
何人吹簫到天明

題金郎畫扇

活玉柔香泫露姿芳心半啟欲開時  
多情獨羨張公子

折取瑶林第一枝

溪田

蒲帆葉葉趁風飛  
望裏溪光接翠微  
秧潑綠油鋪罽毯  
水排方罨鬪僧衣  
時平合向田間老  
歲稔常思天下肥  
身是樊須甘學稼  
終嫌未息漢陰機

風車

溪田庠積水機事轉  
橫木箕舌簸天風  
尻輿旋地軸撥擔排  
八幹圍網穿六輻  
揚帆挂渚蒲繫纜  
絙山竹天工運水輪  
木力替耕犢但占風  
雄雌不辨車軋軋  
啞啞繞羊腸汨汨沒  
牛足方塘浸兩版  
長槽寫萬斛滔滔逝不

留滾滾來相續  
飛流聲悅耳噴瀑勢奪目  
其道通晝夜其候變寒燠  
其理均燥濕其功齊化育  
良農程歲事分秧插新綠  
梅雨應三時秋晴同一熟  
天庾供玉食婦子瞻饘粥  
尚象始包犧神農播麥菽  
五官兼六職水土金木穀  
四大持宇宙八風品亭毒  
巧施郢匠斤粒食齊民腹  
致用有前民農書曾著錄  
憶昨昏墊時強黃亂淮瀆  
淫霖汨五行狂瀾倒百谷  
幾載困波臣哀哉一路哭  
此車置無用茅絢懸脫輓  
今年時雨暘播植力宜勦  
少女日効靈烏杼讓神速  
行水隨淺深養苗暢種稑  
含哺恣嬉游不用豚蹄祝

萬柳池觀荷贈復陽道人

時借舒舍人同游

萬柳池塘水拍天三層樓上駐游仙  
松風不數華陽館  
遶檻香浮太乙蓮

夜餐沆瀣曉餐霞  
蓮葉田田吸露華  
君是前身伯陽叟  
合丹仍採白蓮花

坐覺囂塵遠市闌  
仙源咫尺在人間  
一雙白鶴通言語  
立向花前問九還

爲愛玄關對玉壺  
看花妨却靜工夫  
道家也結蓮花社  
送客真成三笑圖

一縷

一縷輕紗未五銖  
瑤階星月夜看無  
芙蓉籠霧煙籠水  
冰雪仙人見藐姑

夏夜

芙蓉帳底夢初回  
樓閣軒窗面面開  
月曬花枝天浸水  
箇人疑自廣寒來

楊舍人家木蘭花

墜露能消騷客恨  
幽香如近女郎身  
不知此日開多少

試問吟詩白舍人

離騷朝飲木蘭之墜露  
唐句木蘭原是女郎花

夜來香

草花藤本  
出嶺南

夢醒氤氳襲暗芳  
非關麝腦熱都梁  
趙家姊妹專房夜

玉骨冰肌自有香

茉莉花

名花移植從南國活玉溫香粉麝融花號晚妝誰最惜  
晚妝人倦倚清風

禱雨

不用焚巫更暴尫雨師從古是循良炎歊可待焦金石  
修省空教廡廟堂版築向來求傳說鼎烹今更縛弘羊  
一編繁露無人問漫衍箕疇說雨暘

印史行贈陳生

近代印史何紛綸無人爲探原本論古者六書通卦象

昆蟲草木開皇墳禹碑周鼓最奇崛鐘鼎款識資多聞  
咸陽焚書不焚字李斯史籀分爲二秦璽切玉變鳥跡  
漢篆摹印加平直琢鏤錐畫金玉石古人用鐵如用筆  
由來絕技通神物苔封土蝕向千載往往精靈間  
後人師心不師古刻印何嘗翻印譜陳君嗜古得古法  
古印纍纍搜出土王后君公印與章將軍丞相殿中郎  
都鄉亭侯蠻裔王下逮魏晉趨隋唐講求時代分朱白  
結撰字體慎偏旁豕字加三馬闕五伏波譌犬臯譌羊  
此事由來要學問讀書訪古兼收藏陳君好印摹印史  
鬱屈蛟龍森滿紙漢將雲臺二十八竹林戎濤五君子



時方刻  
此為譜  
爵里姓氏宛在目賢者千秋為不死紫泥封透  
珊瑚濕我謂君宜秘行笈世間好物最通靈六丁下取  
風雷急陳君磨礮不自惜遠涉江湖更求益一枝鐵筆  
昆吾精但逢佳士必題名時世爭誇文與程寥寥百年  
將代興購求定有趙承旨鑒賞還逢吾子行

聽李生吹笛

穿雲裂石倚秋清一曲涼州入破聲座上爭誇李暮笛  
不知曾遇獨孤生

戲題歐陽玄睽車記後

說鬼何須辨有無妄言每慣強髯蘇秋齋風雨篝燈夜

一卷睽車詫董狐

秋夜

掠地西風木葉翻鳴蛩作意怨黃昏年年此夜添惆悵  
秋草離披冷墓門

贈董十三兄三首

健者人爭詫董公那禁搖落怨秋風宛伊園子登樓句  
泥爪他時認雪鴻

蕭湖水檻記銷魂倚醉題詩笑語溫也似饕飧寄漂母  
猶勝亭長薄王孫

短衣驅馬大梁遊塵土無人識故侯不少先公門下客

報恩惟說李蒼頭

七夕

牛女當今夕無人見渡河海槎乘不得烏鵲意如何巧  
思關兒女離心動綺羅不知明月裏岑寂自嫦娥

西河

黑水西河萬里遙古來沃野帶三苗寧能則壤成中錯  
空爲流民著八條漢代高貲尊卜式虞廷執法想臯陶  
薄征散利循周禮此事區區責下僚

李青蓮墓和韻

人道青蓮是謫仙宮袍捉月水中眠如何雲白山青處

剩有荒墳野寺前彩筆新詩天地忌凌雲豪氣古今傳  
醉鄉道路知多遠江月山峰空紫煙

桂花示岑

金粟滿枝頭香多浩不收四時全得月一樹最宜秋落  
實寧論晚凌霜孰與儔自緣辛辣性老向小山幽

和詩附錄

移植傍朱樓繁香一院收托根從浩月結子在中秋  
金粟前身影瑤林幾樹儔清飈薦蕭爽仙館共深幽  
十六夜舟行對月有寄

昨夜朦朧隱畫樓今宵潏灩動虛舟行看天水空明色

坐喜雲煙薄暮收圓月難逢晴十五醉吟只筭閏中秋  
劇憐繡被焚香意徙倚銀屏照獨愁

登穀

八月初登穀嘗新對野人閒多知稼穡老至念君親  
竊祿慚尸位歸田是幸民惟應歌作息未敢怨長貧

舟中漫興

水畔寒生早舟中換袂衣露華凝白色曉日動清暉炊  
飯香粳軟充庖野鴨肥是身頑健足生計敢云非

舟夜

荒陂木落水增波暮雨蕭蕭走濁河野寺燈昏人語少

湖天秋晚雁聲多漁樵送老寧非計歲月催人其奈何  
滴瀝寒篷欹倦枕十年心事一悲歌

漕渠

滿渠秋水濁如涇淮口清流失建瓴誰鑿邗溝三百里  
年年淤墊困揚舲

寄答鐵上人

緘書問我決行藏故里松楸水一方王舍怕爲三宿戀  
慈雲虔祝萬年長歸來興嬾人如菊病起神甦頷着霜  
最憶湯休方外士幾時清話得聯牀

題謝庭循畫

古樹蒼藤纏去聲石根雲巖秋水隔離門兩翁樵隱無名  
姓茅屋鄰家自一村

題董文敏畫

青林碧嶂董華亭五月寒江草閣清隔岸樓臺煙樹遠  
挂帆曾記越中行

劉雲巢角鷹二首

勁翮互超騰雄姿兩角鷹上林誇羽獵獨重海東青  
狗彘饜梁肉蒼鷹正苦飢乾坤有霜雪側腦向狐狸

贈戈生

少年狡獪憶經過依綠園中醉後歌六十平頭虛過半

三千行脚擬云何

二句用  
戈生語

弔維揚道人

靜鍊身形似鶴形方瞳點漆鬚毛青羊羣化去人如許  
華表歸來鳥姓丁幾處愚兒舐丹鼎一編秘論續黃庭  
茅家兄弟良常館萬壑松風記共聽

弔丹徒唐道士

豔說飛昇楊體元餐霞未老賦遊仙花飛竹院迷秋草  
鶴去松巢鎖暮煙董汁誰教飲張果

唐患病誤  
服湯劑

蝸廬曾記

臥焦先泥封藥竈空山冷誰省還丹養後天

答青霞道人

翩翩謫仙姿江海恣游戲蕭條遺世心漫作漁樵計茲  
焉決長往萬里軫遐寄三峰陟層霄二室躡迢遞仙人  
鸞鶴羣成約行當遂昨寄空中書使我發長喟生計困  
纏擾名山勞夢寐平生五岳期巾履逼寒翠欲費三月  
糧待汝嵩陽寺相攜拾瑤草揮手謝塵世

九日無酒戲作二詩

坐愛東籬菊正黃西風作意做重陽先生不少持螯興  
其奈無人餽索郎

黃菊茱萸飲興豪風斜雨細罷登高六經縱是無餒字  
也索題詩對蟹螯

贈呂叟二首

豈有鷹揚起渭田先生已及釣璜年蟠胸將略兼儒術  
浪跡名山與大川直道猶存徵外史霸才空老託游仙  
人間富貴真何物腐鼠飢鳶態可憐

湖海豪多老未除掀髯抵掌少年如紫螯黃菊招狂客  
濁酒青燈對草廬六義大綱抽輿論九州形勝秘奇書  
蒲牢未竭鯨鐘韻又挂江帆向闔閭

寄懷滄洲同學

主聖時煩念舊臣迂疎猶作濟時人廟堂此日聞公論  
溝壑何當起困鱗煮海漫勞籌上策著書可是積前薪

間將否泰徵天運敏手行看措置新

讀漢史

思子宮前挹淚痕甘泉舊事最難論何人妄覩高皇業  
神器終歸武帝孫

月夜過文會軒談詩因贈二首

吾家有明月寒色一庭中試向君家看清輝也復同河  
山影不隔天海望來空坐對西河子新詩琢月工

吳文學見示新作

主人興不淺呼酒更論詩明月能留客雄談醉弗辭古  
今不相及風雅自多師除却陳驚座他人詎得知

哭石門都憲先生四首

時西澗僉憲至自虞山

二十餘年事老成忘年忘分見交情江湖魏闕丹心在  
未筭捐軀報 聖明

憂天未了寧祈死解網餘生亦愛身此日騎箕歸傳說  
夢中虛憶築巖人

無復忠言牖達聰上尊華袞寵衰翁慈仁古寺松風冷  
記取春明別淚中

窮冬未息元黃戰寒日難回天地陰悵望關河冰雪路  
同揮清淚寫哀音

論詩十二首

風騷雅頌道誰陳郊祀房中樂府新解道大風垓下句

方知劉項是詩人

河梁蘇李五言雄枚乘才多句句工七字柏梁矜變調  
濫觴瓠子與秋風

建安談笑角羣雄只在曹家父子中何似并州劉越石  
軍營長嘯激清風

陳詩韋孟切箴規質實居然大雅遺不識鐘磔擅題品  
何如匡鼎解人頤

張華傲睨風雲氣阮籍顛狂玩世情酷愛游仙惟郭璞  
獨標真率有淵明

鏤金錯采苦求工初日芙蓉迥不同每詠澄江如練句

池塘春草意相通

牽攀補衲失天真此事由來譬斲輪五字思君如流水  
不煩繩削自清新

風骨王劉次五官清華海陸亞江潘六朝繁縟當時體  
滿眼榛蕪不耐看

蕭何律變漢三章聲病何勞講太詳苦向劉淵求韻脚  
錯將作俑怨東陽

沈宋齊名格律新射洪天骨獨清真齊梁莫歎江河下  
老杜猶思托後塵

古詩刪後更無詩文選樓開自一時偶爲閑情攻白璧

小兒解事頓相媿

熟精文選繼風騷李杜淵源自六朝今日何人論漢魏  
便因鮭菜覓江珧

次北軒中丞來韻二首

清風謾謾播朝簪飲水淮天性所甘柏府紀綱千里肅  
藝林詞賦廿年耽轉輸歲給鄴侯粟廣運功高韋氏潭  
政治餘閒勤索句主賓酬唱劇清酣

欲和新詩筆久停妍媿巧拙怕相形山蠶繭豈供華袞  
野苒羹寧佐韭萍籌畫江淮歸利涉主持風雅翼遺經  
巴歛郢曲非難和韶濩人間那慣聽

寒夜與西澗話舊再用北軒投贈韻二首

寒宵樽俎盍朋簪道義箴規藥石甘薑桂性生仍老辣  
烟霞痼疾且同耽子真避地潛吳市正則行吟滯楚潭  
詩酒怡情忘歲月周遊五岳興方酣  
桂棹何妨十日停素心投老各忘形功名久謝邯鄲枕  
世味誰諳楚國萍舊事不須徵讜論新詩且合補騷經  
冰絃更有移情曲乞與成連海上聽

再酬西澗先生因東北軒二首

十年海岸共投簪清窘應知本性甘戲看盤鈴陪杜佑  
滿輸博局笑袁耽戰爭幾輩從蝸角漁獵何心羨石潭



歲宴雲昏天欲雪僧寮吟嘯對沉酣  
舟楫長川此暫停宵衣夢肖傅巖形白頭勲業歸彝鼎  
青眼交游聚水萍病學養生求大藥醉論經世守常經  
尊前頻奏高山調不是鍾期不許聽

北軒與西澗集句唱訓兼蒙投贈僕不善爲此次

韻奉答二首

格律清醇比右丞郎王聯袂許同升不龜手是封侯藥  
無盡燈傳喻法僧見獵喜心成技癢聞雞怕舞亦宵興  
由來此事輸公等投筆逡巡謝未能

得失何須問楚凡漫將往事戒三緘天心來復看魁柄

是夕  
冬至

圖書旁求說傳巖三日拂塵新劍珮十年在笥舊

朝衫長風萬里波濤闊擊楫猶能趁一帆

北軒詩多祝願  
之語聊答其意

再訓北軒兼東西澗二首

未老霜華已上簪衡門飲水十年甘名賢好我時相就  
佳句驚人也自耽叔夜思輕千里駕鄭公詩枉百花潭  
疲兵再鼓愁挑戰鈴閣豪吟興轉酣

上客高軒幾夕停一燈相對歎勞形素心寒夜梅花月  
世事春風柳絮萍歲儉分困充鶴料身閒運甕當熊經  
陽和吹入黃鐘律爲有伶倫最解聽

題吳大樸印譜

龍書鳥跡開文字銅符玉璽傳周秦八分小篆變蒼籀  
六書遺則傳卣尊漢印徑寸皆白文依稀釵股屋漏痕  
偏旁配搭失古法纍纍滿紙何足論好手摹印必師古  
刀法書法理則均石上用鐵如用筆庚庚瘦玉生精神  
京口吳君技絕倫搜羅金石收放紛讀書尚友千載人  
袖中一寸昆吾刀蚪蚪鬱律蛟龍奔摹成印史三十冊  
鐵兵碎染珊瑚新嗜古每邀松雪賞好奇亦有中郎捫  
月槎之文婁村詩吾與二子無間言君持此意游賢豪  
長技定爲知己伸紛紛肉眼勿復道世有識者賞其真  
題致軒太守洪流放棹圖四首

長風穩挂一帆輕似向河源萬里行爲覓封侯從博望

桃花春水十年情

致軒以遂寧張公薦任  
陽司馬旋以卓異守

大河西上與天通弱水三危遡禹功誰遣朝那清白守

幾年訪道住崆峒

散髮何當泛五湖西施並載學陶朱筆牀茶竈天隨子

且向煙波作釣徒

故山白鶴迂行舟綵服承歡是黑頭爲語吳娘停畫舫  
春風擊楫大江流

和松南五十誕辰詩韻兼贈公子堅孟三首

我愛青山靜結鄰一官應也厭風塵百年自計行藏熟

五斗真憐寵辱均天老奇才多置散古稱循吏必安貧  
廟堂端委經綸在辛卯見贈詩語他日相期意最真

記向山齋續放歌別來心事兩蹉跎中年憂樂乘除足  
老大功名建樹多人比臥龍才不忝詩成羈鳳意如何

金門幾輩看籠鳥

謂日容北溟俠君諸子

文學巍然占四科

鴻歸江海八行疎快詠新詩把臂如好友每懸千里夢

佳兒能讀五車書捧觴且上椿庭壽彈鋏休歌幸舍魚

序我三都煩出手士安莫忘自公餘

松南許作詩集序因此相促

### 郝甥花燭詩

漫將宅相向人誇道蘊才名一倍加笑看名甥千里駿

迎來淑女七香車雪因避月還成霽

大雪六七日是夕初晴

梅為探

春早着花

窗前古梅數年無花今歲乃最盛

老我題詩先送喜鳳簫聲徹絳

幃紗

### 和詩附錄

牢之似舅幾人誇瑞雪門闌喜氣加遠聽樓中吹鳳

管常看市上駕羊車銀屏綠映宜男草繡幙紅遮並

蒂花宅相定知青瑣貴錦袍還望賜官紗

歲宴寄懷王靈臺宛先五首兼柬致軒

解綬知應羨布衣文人作吏本危機鄉心寄與南飛雁

歲晚江湖一夢歸

隴阪羈栖歎老鰥此生那更望生還空同舊是神仙宅  
徑合佯狂向此間

射虎詩成帳殿温千言駢麗鬪清新塞垣雪夜瞻天表  
獨惜書生骨相屯

秦柳辛蘇調法兼香奩句愛寫蠻箋累臣况清如水  
惟有詩詞異代傳

太守東還患難餘停杯相對一長吁西涼斗酒寧相值  
總爲虛名悞腐儒

酸酒聯句

同楊平涼致軒  
陳廣文晚耘

嚴冬筵初筵

致軒

冰雪空階厚命酌挫寒威

謹齋

精神頓抖

撒渴吻沫饒涎

晚耘

貧厨熟酸酒初試殊裂牙

謹齋

再啜仍

蜇口停斟共一笑此醞真吾友水潤含木德

致軒

醇黍成

醋母

晚耘

天膏嘗椰實

致軒

茗汁淘泔醜

謹齋

辛芳雖較遜清

滑也堪取

致軒

潘家水錯着陶公漉未久

謹齋

麴生號措大

致軒

梅羹誤敏手失笑沁曹瞞

謹齋

攢眉問蘇婦

晚耘

風迴妒

女津

致軒

春盎酸丁藪

謹齋

榴花舊姓石

致軒

金螿新出白祇

愁儀狄誚或遭劉白詬本色挹酢漿

謹齋

別味珍鬯卣昌

黎好殊俗

致軒

桓温諱毋犍齷飲且量腹

謹齋

鯨吸正盈缶

棘喉復何病

晚耘

捉鼻此其偶呷屢漸相忘

致軒

勸頻那得

走肌粟平五經才雄澆八斗愁城旣斂兵

謹齋

詩械亦破

杻索句競撚鬚

軒致

遲觴數被肘耳熱各脫帽

齋謹

興劇竟

濡首次公醒自狂

耘晚

舍人酣欲嘔服釀逢百罰

齋謹

布暖

失四九謹呼夜逾甲

軒致

聚會月在丑瓶罄乞鄰醯

齋謹

樽

空覓馳漉古有一石醉

耘晚

諸君頗能否明朝况遠別

齋謹

樽

留量轉可醜聯吟呵凍毫

軒致

醕酊忘誰某

耘晚

除夜作

此夕乃安坐無言似老禪終年殊役役明日故依然服  
政疑衰矣知非或有焉不眠如守歲檢曆又增年酒共  
山妻飲詩從少婦編紅蘭徵吉夢白髮感流年望斗杓  
還直聞雞舞最先梅花遞消息開向綠樽前

